

Zeitschrift: Schwyzerlüt : Zyschrif für üsi schwyzerische Mundarte
Band: 1 (1939)
Heft: 5-6

Artikel: Mariann, das Fraueli
Autor: [s.n.]
DOI: <https://doi.org/10.5169/seals-176827>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 29.03.2025

ETH-Bibliothek Zürich, E-Periodica, <https://www.e-periodica.ch>

's Lied vom Müeti.

Ha numme=n=einisch ghöre singe
Wie's Müeti singt — i ghöres no!
Und chönntis hüt no einisch ghöre
I möchti hundert Stnnd wyt goh.

Emol deheim im hindre Stübli
Han=ig em lysli öppis gseit:
I heig für's Läbe=n öpper gsunde,
Wo mir's Glückschrättli noche treit.

Sälb Obe ghör i's Müeti singe, —
Es het de Meie Wasser gäh:
So lieb und lys! Wie möcht ig lose,
Chönnt ig nomol das Lied vernäh!

Josef Reinhart.

Mariann, das Fraueli.

„Jetzt wird's welle Ürnst gälte bim Chüesefelix und sym Marianneli, hets gheiße im Dörfli umme, a sälber Chilbi nomittag. „Het men au scho so öppis gseh?“ hei d'Lüt zäme gseit, „weder me seit nit vergäbe, wenn zweu zäme wei, so bring me se nit vonander mit hundert Rosse. Schimpfe die Alte und tüe, wie amene Häfzig, sie syge no z'jung; syge chuum troch hinder den Ohre, göh die zweu meisterlosige Lütli und mache ne Läbchuechesstand us, as sie ömmel jo ghy ihri Baže binander hei für zum Heer z'goh und abzfahre!“

„Hiezue, hiezue, wär Läbchueche gwünne will für ne Baže — s'Loos chostet numme ne Baže! Alleh, chaufet, jedes Loos gwünnt.“ Und im Handchehrum het der Lix ne Hampfele Numero verschäg-geret gha und isch ne Truppele um si Läbchuechlitsch gstande, und denn het er dräiht us sym Rad und het d'Zahl grüeft, wo gwunne het. „s'Zwänzgi het gwunne! s'achti hets breicht und nonemal zwänzg! Du bisch allweg am Morge mit em rächte Bei zum Bett us, as so nes Glücksditti bisch!“

Und s'Marianneli het glächlet, daß sy ni wylze Zähndlü füre cho sy, wie wylze Zucker i der rote Schale und het sy ni Läbchuechen us-teilt. Und der Lix het es Aug zuedrückt, wenn sy Schätzeli dene junge Burschte, wo sy cho ihres Gfehl probiere, eso fründligi Blicke

gäh het; er het wohl gwüsst, as mänge däm Meitsli z'lieb no nè
Baze meh gwogt het, und de nit numme die junge; mängem alte
Gritti hets wohl to bis i groß Zechen abe, wenn em das Meitschi i
sygn wüsse Tschööpli nes Läbchüechli aneglängt und drzue blinzlet het
mit syne tusigs Pflumenäugline, as ers hätt mögen übere Tisch übere
lüpfe und mit em e Längus mache trok synen alte, gschlottrige Beine.

Das und deis Jümpferli, wo gmeint het, es gseih s'Gras wachsen
und ghör d'Flöh hueste, hets Näsi grüempst, wenn öpppe Syne
mit em het wellen einisch go dräihe zum Lix und zum Marianneli
und het nen am Armel zupft, wenn s'Marianneli so süez drygluegt
het, süeßer as syni Läbchueche: „Es wett si doch scheniere, a der
Chilbi mit eim goh Läbchüechli usriüef, numme für as me chönn
Hochzvt mache.“ — Aber göht: „Wenn me eister wett uf d'Lüt lose,
wär me gvoget“, hei die zweui dänkt; „vom Gred vo de Lüte isch
no niemer umcho!“ Und sie hei glachet uf de Stockzähne, wenn ihr
Läbchüechlibyge chlyner worden isch, wie nen Ankestock a der Sunne.

Us „Stadt und Land“ Gschichte für zum Obe-Sitz, Verlag A. Francke, Bärn.

Gedicht vom Josef Reinhart.

Mähderlied.

Mannen uf! der Güggel chräiht,
D'Sägesse sy dänglet!
Intig uf isch halber gmäiht,
D'Schmähle hei si gstänglet!
Use Mähder! Use Chnächt!
Näht e Schuz u wezet rächt,
Stöht i 's Mahd und hauet dry,
D'Obe mueß 's am Schärme sy!

Mannen uf, 's isch Wätterluft,
's Rägeloch isch feischter,
Wenn e Ma dehinde blybt,
Wird is 's Wätter Meischter!
Rühret d'Gable, hindereglist!
Alt Bräschten usegschwizt!
Ladet uf und fahret hei,
As mer z'Obe singe cheu!

Mannen uf, 's isch Summersznt
Und verby mit Leue,

Wär 'nen Arm und Wezstei het,
Sell cho hälse heue!
Schicket ech vo früeh bis Nacht,
Danket Gott und gäht mer Acht!
Isch der Sägen i der Schüür,—
Hüetet 's Huis vor Blitz und Filür!

As emol der Mähder chunnt.

Es stoht es Blüemli mitts im Fäld,
Es meint, 's syg 's schönschten uf der
Wie's 's Chröndli treit! [Wält.
Wie 's Röckli steit!
Und alles seit:
„So lueg mi a,
Bis oben us und nienen a!“
Es stoht as wie nes Brütl do
Und dänkt nit a die lezti Stund,
's isch drum: Es weiß no nüt dervo,
As emol der Mähder chunnt!